

TERMA-TERMA & SYARAT-SYARAT PROGRAM BANTUAN BAYARAN BERSASAR CIMB UNTUK PELANGGAN PEMBIAYAAN AUTO

Terma-Terma Am

- A. Terma-terma dan syarat-syarat berikut hendaklah terpakai bagi Program Bantuan Bayaran Bersasar CIMB (“**Program**”) yang boleh didapati dari 1 Jun 2021 sehingga 31 Disember 2021 kepada peminjam/pelanggan individu yang mempunyai Pembiayaan Auto (“**Kemudahan**”) yang masih dibayar (tidak tertunggak melebihi 90 hari) setakat tarikh permohonan Program.
- B. Bank merujuk kepada CIMB Bank Berhad atau CIMB Islamic Bank Berhad, sebagai institusi kewangan yang memberikan Kemudahan kepada anda.
- C. Tarikh Matang Kemudahan anda akan dilanjutkan selama tiga (3) bulan.
- D. Hak Bank dan kewajipan sedia ada anda dalam perjanjian anda untuk terus membuat pembayaran ansuran bulanan selebihnya menjelang tarikh yang dipersetujui tidak akan terjejas. Terma-terma lain perjanjian anda juga akan terus kekal terpakai.
- E. Tanpa perjudis terhadap terma-terma lain Program, anda hendaklah memaklumkan penjamin anda (jika ada) berkenaan penerimaan anda terhadap terma-terma dan syarat-syarat ini untuk memastikan supaya penjamin tersebut sedar akan terma-terma dan syarat-syarat tersebut dan penerimaan anda terhadapnya.
- F. Jika kadar faedah/keuntungan/caj terma atas Kemudahan anda adalah terikat kepada Kadar Pinjaman Asas (“**BLR**”)/Kadar Pembiayaan Asas (“**BFR**”) Bank yang tertakluk kepada perubahan dari semasa ke semasa seperti yang dipaparkan di cawangan Bank dan/atau dipaparkan di laman web Bank, satu notifikasi akan dihantar kepada anda berkenaan jumlah ansuran bulanan yang telah disemak semula.

Syarat Khusus untuk Pilihan 1: Pelepasan Pembayaran untuk 3 Bulan

- 1. Bank akan memberi kelonggaran kepada anda untuk menangguhkan ansuran selama 3 bulan (“**Ansuran Ditangguhkan**”) bermula dari bulan seurus selepas pengesahan penyertaan anda dalam Pilihan 1 Program ini (“**Tempoh Pelepasan Pembayaran**”) yang akan dimaklumkan kepada anda.
- 2. Ini bermaksud tiada bayaran perlu dibuat semasa Tempoh Pelepasan Pembayaran.
- 3. Ansuran Ditangguhkan perlu dibayar dalam masa tiga (3) bulan seurus selepas berakhirnya tempoh Kemudahan sedia ada anda dan ia akan bermula dari bulan selepas berakhirnya tempoh Kemudahan sedia ada anda.

4. Anda dikehendaki untuk meneruskan bayaran ansuran bulanan anda selepas berakhirnya Tempoh Pelepasan Pembayaran anda. Jumlah ansuran bulanan dan tarikh perlu dibayar kekal sama.
5. Anda mungkin perlu membayar jumlah pembayaran akhir yang lebih tinggi yang mungkin termasuk bayaran ansuran terakhir anda.
6. Pemindahan Dana Automatik CIMB yang ditugaskan ke akaun Kemudahan akan dihentikan semasa Tempoh Pelepasan Pembayaran. Sekiranya terdapat sebarang arahan tetap bagi akaun Kemudahan, anda perlu mengemas kini arahan tetap anda dengan sewajarnya.
7. Bagi Kemudahan kadar tetap, tiada faedah/keuntungan/caj terma tambahan akan dikenakan. Bagi Kemudahan kadar boleh ubah, faedah/keuntungan/caj terma akan terus terakru semasa Tempoh Pelepasan Pembayaran dan perlu dibayar semasa penyelesaian akaun anda, yang mana jumlah tersebut tidak akan melebihi jumlah caj terma seperti yang dinyatakan di dalam perjanjian anda.

Syarat Khusus untuk Pilihan 2: Pengurangan Ansuran Selama 6 Bulan

1. Bank akan memberi kelonggaran kepada anda untuk membayar 50% ansuran bulanan anda (“**Ansuran Dikurangkan**”) selama 6 bulan (“**Tempoh Pengurangan Ansuran**”) bermula dari bulan sejurus selepas pengesahan penyertaan anda dalam Pilihan 2 Program ini yang akan dimaklumkan kepada anda.
2. Ini bermaksud anda hanya perlu membayar 50% jumlah ansuran semasa anda semasa Tempoh Pengurangan Ansuran.
3. Ansuran Dikurangkan yang dibayar semasa Tempoh Pengurangan Ansuran akan terlebih dahulu diguna pakai untuk membayar faedah/keuntungan/caj terma bagi bulan tersebut, dan seterusnya ke atas baki prinsipal.
4. Anda hendaklah meneruskan bayaran penuh ansuran bulanan anda pada akhir Tempoh Pengurangan Ansuran anda. Jumlah ansuran bulanan dan tarikh perlu dibayar kekal sama.
5. Anda mungkin perlu membayar jumlah pembayaran akhir yang lebih tinggi yang mungkin termasuk pembayaran ansuran terakhir anda.
6. Pemindahan Dana Automatik CIMB yang ditugaskan ke akaun Kemudahan akan dihentikan semasa Tempoh Pengurangan Ansuran. Anda diminta untuk membuat bayaran ansuran yang dikurangkan semasa Tempoh Pengurangan Ansuran ini. Sekiranya terdapat sebarang arahan tetap bagi akaun Kemudahan, anda perlu mengemas kini arahan tetap anda dengan sewajarnya.

7. Bagi Kemudahan kadar tetap, tiada faedah/keuntungan/caj terma tambahan akan dikenakan. Bagi Kemudahan kadar boleh ubah, faedah/keuntungan/caj terma tidak akan melebihi jumlah caj terma seperti yang dinyatakan dalam perjanjian anda.

Syarat Khusus untuk Pilihan 3: Pengurangan Bayaran Bulanan

1. Butiran pembayaran bulanan yang dikurangkan akan dimaklumkan kepada anda setelah permohonan untuk program ini.
2. Anda mesti menandatangani satu Perjanjian Variasi dengan penjamin anda (jika ada) di Pusat Pembiayaan Auto / Pusat Pengutipan Auto yang dipilih.
3. Sebarang pilihan Pusat Pembiayaan Automatik/Pusat Pengutipan Automatik tidak boleh diubah.
4. Terma-terma yang disemak semula hanya akan berkuat kuasa selepas anda dan penjamin anda (jika ada), menandatangani Perjanjian Variasi dan butiran kemudahan akaun anda dikemas kini oleh Bank.
5. Sekiranya Perjanjian Variasi tidak ditandatangani oleh anda dan penjamin anda (jika ada), terma-terma yang disemak semula tidak akan dilaksanakan.